

Título: Nukuaipa wane wayuu sünain arüleejaa	Sünülia: Nukuaipa wane wayuu sünain arüleejaa
Recopilado y escrito por: Jandy José Rodríguez lipuana	Akotchajuushi otta ashajuushi nutuma: Jandy José Rodríguez lipuana
Clan: Uliana	E'iruku: Uliana
Lugar: Relato local comunidad de Meera, Uribia	Eejetülee: Relato local comunidad de Meera, Uribia
Fecha: 21 de mayo de 2021	Süka'iya: 21 maayou sünain chi juyakai 2021

NUKUAIPA WANE WAYUU SÜNAIN ARÜLEEJAA

Atamaashi wayuu arüleejüi sünain eirakawaa sümüin sutu'u ai süchiirua nürüleejüin eekai nnojoluin wane ka'i paala. Mekeetshi süchiirua, asakitshi sulu'u wane miichi, tü pe'ipaakalü amaa nürüleejüin, nünta anainrüja'a sükajee tia.

Je nüchoiin naya a'liichajaka süchira tü nürüleejüinkalü, süpüla yajaushin je süpüla keesüin.

Njünaain shia watta'a maalü sünain ekajawaa je süpüla asaa wüin sulu'u laa, moliinalu'u shiale. Ma'aka kaleo'u nuutkale'erüin miichipa'a. Antüshi nia motsopa ka'i süchikijee ouyantaa, je nikerojirüin shia sulu'u sukulaatse süpüla shiyaawajünüin. Nükatajüin tü süchooincheinkalü aipa'a süpüla sü'liichajünüin tü shiikalü wattachon. Niiyajüin shia müleka ayuuire, aya'lajüshi wunu'u shipinase.

Je jemeiwakalü o'u shia eesü müleka jemeire una'apü. Nüchajaa achikülü suulia shikajüin wuchii tü süchooincheinkalü.

Eesü müleka amulouire shia sütüma ma'inmajuuin. Mojulaasü walirü sümüin, shiküin tü süchooin eekai motsoyunnuuin. Nüchajaa achikülü tü walitkalü süpüla nu'utuun saa'in. Eesü wane wuchii mashale'e sünülia, ekülü mürülü jo'uucheein; nüchajaa achikülü süpüla nu'utuun saa'in.

Muleka wainmale süchooin, nürüleejüin. Ka'apunnuupa shia, nüsiimaraalajüin süche'e kaa'ula, anneerü, paa'a, je nüsijaain süka jeerü kachueera. Anewiijunüsü eekai tooloyuuin süpula oikünaa. Süpüshua'a tia kekiraasü wainma asalaa nütüma, eesü ekawaa, eesü asawaa uujolu je yootshi.

Chi arüleejüikai ni'raajüin nürüleejüin, ni'raajüin süta, süno'u, shi'ira, je suu'ichiki. Wane arüleejüi müliashi jamü, minyaasü, je mapusashi. O'onooshi sümaa aipa jamü, nüchajaain eere een juya, eere ein wüin, eere ein wütüshii.

Müsüle'e sukuaipa tü arüleejakalü sulu'u tü woumainkalü Wajjiira. Je tü mürülü arüleejünakalü shia anneerü, kaa'ula, paa'a, püülükü, püliikü je müsia ama. Müsüle'e nukuaippa wayuu sünain a'inmajaa nümünüin.